

郡人 王鳳山 纂輯

西湖沿革

晉安有東西二湖在治城西北晉太康三年置郡詔治閩粵故

城太守嚴高病治城狹隘以圖咨郭璞徙今子城坊城外鑿

東西二湖周迴各二十里引東北諸山溪水注于東湖舊懷安縣

地今屬引西北諸山溪水注于西湖侯官縣地二湖與閩海潮汐

通所溉田不可勝計又有南湖亦侯官地唐貞元十一年觀察刺

史王翊闢城西南五里為湖二百四十步接西湖之水灌于

東南今柳橋是也東湖隔龍腰諸山在西湖東北故名或言郡城

卷五

東屬閩縣非是宋慶厯中東湖漸淤至淳熙間盡為民田浮倉山昔

在水中央今周遭皆田東北諸鄉俱名湖塏浮倉之西有亭

尚呼湖前亭云三山志云嘉祐二年郡守蔡襄從樂遊橋開

沿城外河抵湯門琴亭湖心至北嶺下去思橋北至河尾船

塲散入港北小浦中浦石泉安園以北懷安知縣樊紀復作

橋十三曰濕堦曰塏北曰小浦口湖心曰琴亭曰越塘曰龍

腰曰後溪曰桑畚曰嶺下曰范溪曰瀨溪東湖既湮賴此港

浦橋梁導東北諸水以達于東門也南湖之塞不知何代其

始闢迤北有港與西湖通漸為民廬舍園池今唐公祠前有

石橋西外石街有熊兵泥門二橋猶巍然平地中皆湖渠遺

地310.11
92761
=4

求放心齋

蹟西湖始鑿沿子城外今定遠橋浩無際涯唐天復元年王

審知于子城外環築羅城梁開平元年審知又築南北夾城

湖漸堙塞宋皇祐四年復詔郡守曹穎叔漸次脩築自迎仙

門至遺愛門所存僅什之三嘉祐二年蔡襄復古五塘以漑

民田有意濬治西湖未果乃命疏導渠浦六十有九以興水

利按三山志云城外西湖漑三邑民田至一萬五千餘畝淳

熙九年趙汝愚以集英殿脩撰知州事疏于朝開濬兩湖民

至今賴之時有澄瀾閣乃汝愚沿威武堂址改西湖樓為之

薦經兵燹閣燬址失明萬厯初按察使徐中行命衛卒湖堤

植木為蔭市易湖濱民園池建閣跨湖上由皇華亭後架二

卷五

二

求放心齋

木梁以登仍名澄瀾戶部尙書馬森撰記十四年丙戌郡守

江鐸以會城西北水部湯門四關引江湖湖水衆流吐納繞

旋邇來淤塞北關湖水不得入河西湯水部三關雖通河而

淺涸潮汐無幾舟楫阻滯西河迎仙橋下有港接西水關及

江河在西南者當春夏月建閘蓄水秋冬決放湖高河低洪

流入江不可復反濱湖數十里莫資灌溉乃開北關脩建西

湯水部各閘引諸水入河又改西門迎仙橋舊閘為壩以蓄

湖水毋令決放自茲舊制興復水利無壅邇年復議塞殊為

民患司地方者願如江公可也